

1581



03 AUG 2009

ԴԱՍԱՏԵՏՐ

Գ. տարի
ԺԳ. տպ.

ԿՐՕՆԻ

Գինը Լ 25 կոպ.



Սահակ առ. Բհ. Սահակեանց

Թ Ի Ֆ Լ Ի Ս
Տպ. Էսպերանթո Ելիզ. 17
1913

2(075)
Վ-15

625018
21-Ս

A P M.
2-8382

2(075)
U-15

25 JUL 1913

204

ԴԱՍԱՏԵՏՐ

Գ. տարի
ԺԳ. տպ.


ԿՐՕՆԻ

(Համաձայն նորագոյն ծրագրի)
ծխական դպրոցների համար

Ս ա հ ա կ ա լ. Բ հ. Ս ա հ ա կ ե ա ն ց

Գինն է 25 կպ.

Թ Ի Ֆ Լ Ի Ս
Տպ. Էսպիրանսո Ելիզ. 17
1913



2908

Ի ՀԱՅՐԱՊԵՏՈՒԹԵԱՆ

Տ. Տ. ԳԵՈՐԳ Ե.

Սրբազնագոյն Կաթողիկոսի Ամենայն Հայոց, ծայրագոյն Պատրիարքի Համազգական Խախամեծար Արարատեան Առաքելական Մայր Աթոռոյ Սրբոյ Կաթողիկէ Էջմիածնի:



39730-67



Ա. ԻՍՐԱՅԷԼԱՅԻՈՅ ԱԶԳԻ ՊԱՏՄՈՒԹԻՒՆԸ

Ա. ՄՈՎՍԷՍ

1. ԻՍՐԱՅԷԼԻ ՆԵՂՈՒԹԻՒՆՆԵՐԸ ԵԳԻՊՏՈՍՈՒՄ




ովսէփը մեռել էր: Մեռել էին նրա բոլոր եղբայրները. անցել էր 430 տարի, բայց նրանց ժառանգներն

այնքան էին բազմացել, որ Գեսեմը լցուել էր: Այդ ժամանակ եգիպտոսում նոր փարաւոն էր իշխում, որը Յովսէփին մոռացել էր: Նա ասաց եգիպտացիներին. «Իսրայէլացիները չափից զուրաբազմացել են, եթէ մի պատերազմ



Փարաւոն

պատահէ, կարող են թշնամու հետ միանալ ու մեր դէմ պատերազմել, ուստի պէտք է նրանց ոչնչացնել»:



Սրա համար թագաւորը վերակացուններ նշանակեց, որ չարչարեն նրանց: Եւ նրանք անգուլթ կերպով ստիպուած էին իսրայէլացիներին աշխատելու թէ աղիւսի գործարաններում և թէ դաշ-

տերում—փարաւոնի համար ձրի, ամուր քաղաքներ և շտեմարաններ պէտք է շինէին: Բայց որքան եգիպտացիները չարչարուած էին իսրայէլացիներին, այնքան նրանք աճում և բազմանում էին: Փարաւոնը տեսաւ, որ այս միջոցով իւր նպատակին չէ հասնում, հրամայեց եբրայեցիների նորածին արու զաւակներին ջուրը ձգեն, իսկ աղջիկներին՝ խնայեն:

2. ՄՈՎՍԷՍԻ ԾՆՈՒՆԴԸ ԵՒ ԱԶՍՏՈՒԹԻՒՆԸ

Ղեկի ցեղից մէկը՝ Ղեւի անունով մի մարդու աղջկայ հետ ամուսնացաւ և նրանից մի գեղեցիկ արու զաւակ ունեցաւ: Մայրը երեք ամիս ծածուկ էր պահում: Երբ այլ ևս անկարող եղաւ թաք կացնել, եղբգնից մի զամբիւղ հիւսեց. կպրածիւթով ծեփեց. տղային նրա մէջը դրաւ և Նեղոսի եղեգնուտ ափը թողեց: Մանկան քոյրը հեռուից դիտում էր՝ տեսնելու թէ եղբօրն ինչ կ'պատահէ:

Փարաւոնի աղջիկը Նեղոսի ափն իջաւ լողանալու: Նաժիշտները գետի ափում շրջում էին: Թագաւորի աղջիկը հեռուից նկատեց զամբիւղը, նաժիշտներից մէկին ուղարկեց որ բռնէ: Հրամանը կատարուեց, զամբիւղն իրան բերին, բաց արեց ու տեսաւ, որ մէջը մի մանուկ լաց էր լինում: Թագաւորի դուստրը զթաշարժուեց և ա-

սաց. «Սա երրայեցիների մանուկներից պիտի լինի»: Մանուկի քոյրը մօտեցաւ և առաջարկեց փարաւոնի աղջկան. «Արդեօք չես կամենայ մի եր-



րայեցի ծծմայր կանչեմ, որ մանկանը կերակրէ»: Փարաւոնի աղջիկն սասաց. «Գնա և կանչիր»:

Աղջիկն շտապեց հարազատ մօրը կանչելու: Մայրն եկաւ: Փարաւոնի աղջիկն սասաց. «Տա՛ր այս մանուկը քեզ մօտ, մեծացրո՛ւ, ես քո վարձը կ'ի՛ճարեմ»: Մայրն առաւ մանկանը և պահում էր: Երբ մեծացաւ, թագաւորի աղջկայ մօտ բերաւ: Իշխանուհին որդեգրեց նրան և անուանեց Մովսէս, որ նշանակում է ջրից հա-

նած: Մովսէսն ուսաւ Եգիպտոսում այն բոլոր գիտութիւնները, որոնք յայտնի էին այն ժամանակ և դարձաւ մի իմաստուն մարդ:


3. Մ Ո Վ Ս Է Ս Ի Փ Ա Խ Ո Ւ Ս Տ Ը

Երբ Մովսէսը չափահաս դարձաւ, գնաց իսրայելացիների մօտ նրանց չարչարանքները տեսնելու: Մի անգամ նկատեց, որ վերակացուն մի



իսրայելացու ծեծում էր: Նայեց իւր շուրջը և երբ ոչ ոքի չտեսաւ, սպանեց եգիպտացուն և թաղեց աւազի մէջ:

Մի ուրիշ անգամ ևս դուրս գնաց և տեսաւ, որ երկու իսրայէլացի են միմեանց հետ կըռուում: Մովսէսը դարձաւ յանցաւորին ու ասաց. «Ի՞նչու ես քո ընկերին ծեծում»: Նա պատասխանեց. «Քեզ ով նշանակեց մեզ վրայ դատաւոր, չլինի՞ ինձ էլ այն եգիպտացու նման ուզում ես սպանել»: Մովսէսը զարհուրեց, երբ իմացաւ իւր սպանութեան յայտնի լինելը: Այս բանը փարաւոնի ականջին հասաւ: Նա կամենում էր Մովսէսին սպանել, բայց սա փախաւ Մադիամացոց երկիրը:



Մադիամի քուրմը եօթն աղջիկ ունէր: Նրանք եկան ջրհորի մօտ՝ խաշները ջրելու հա-

մար: Ուրիշ հովիւներ ևս եկան և աղջիկները խրեցին ջրի հերթը: Մովսէսը տեղից վեր կացաւ: օգնեց աղջիկներին և խաշներին խմացրեց:

Երբ աղջիկները տուն դարձան, հայրը հարցրեց. «Ի՞նչու այսօր վաղ եկաք»: Նրանք պատասխանեցին. «Մի եգիպտացի օգնեց մեզ, ջուր հանեց և մեր ոչխարներին խմացրեց»: Յոթորն ասաց. «Ո՞րտեղ է այն մարդը, ի՞նչու նրան հացի չկանչեցիք»: Մովսէսին տուն հրաւիրեցին: Յոթորը յանձնեց նրան իւր ոչխարները, որ աւրածացնէ և վերջը իւր Սեպուքա աղջկայ հետ էլ ամուսնացրեց:

4. ԱՍՏՈՒԱԾ ԿԱՆՉՈՒՄ Է ՄՈՎՍԷՍԻՆ

Մովսէսն անապատում արածացնում էր Յոթորի խաշները: Մի անգամ մօտեցաւ Բորեք լեռանը և տեսաւ, որ մի մորենի վառվում էր, քայց չէր այրում: Մովսէսը մօտեցաւ իմանալու, թէ սա ինչ բան է: Իսկոյն թփի միջից ձայն եկաւ. «Մովսէս, Մովսէս»: Նա պատասխանեց. «Ի՞նչ է, Տէր»: Ձայնը կրկնեց. «Հան կօշիկներդ, այդ տեղը սուրբ է: Ես եմ Աբրահամի, Իսահակի և Յակովբի Աստուածը: Ես տեսայ իմ ժողովրդի նեղութիւնները եգիպտոսում. ես կամենում եմ նրան Գնան տանել, ուր մեղր և կաթն է բղխում: Գնա՛ եգիպտոս փարաւոնի մօտ և

ասաց, որ իմ ժողովուրդին ազատէ»: Մովսէսն



ասաց Աստծուն. «Եթէ ես իսրայէլացիներին մօտ

գնամ և ասեմ, թէ ձեր հայրերի Աստուած-
Եհովան է ինձ ուղարկել, չեն հաւատայ»: Աս-
տուած ասաց. «Ձեռիդ գաւազանը գետին ձգիր»:
Նա էլ ձգեց և գաւազանն օձ դարձաւ: Մովսէ-
սը վախեց ու փախաւ: Աստուած ասաց. «Բռնիր-
օձին»: Նա բռնեց, օձն իսկոյն գաւազան դար-
ձաւ: Աստուած շարունակեց. «Ձեռդ ծոցդ դիր»:
Դրաւ, բայց դուրս հանելիս՝ տեսաւ, որ բորոտ-
ուել է—սպիտակ ինչպէս ձիւն: Աստուած ա-
սաց նրան. «Ձեռդ նորից ծոցդ դիր»: Նա էլ
կատարեց և տեսաւ, որ միւս ձեռի նման ա-
ռողջ է: Աստուած ասաց. «Եթէ այս երկու-
հրաշքներին չեն հաւատայ, Նեղոսից ջուր կառ-
նես, կորսկես գետնի վրայ—գետի ջուրն իսկոյն
արիւն կդառնայ»:

Մովսէսն ասաց Աստծուն. «Տէր, ես ծան-
րալեզու եմ»: Աստուած ասաց. «Քո ճարտարա-
խօս եղբայր Ահարոնը քեզ հետ կգայ, քո փոխա-
րէն ժողովրդի հետ նա կխօսէ»:

Այս բանից ետոյ Մովսէսը Յոթորի մօտ
գնաց և ասաց. «Ուզում եմ Եզրպտոս դառնալ
և տեսնել, թէ իմ եղբայր իսրայէլացիները կեն-
դանի են թէ՞ ոչ»: Յոթորն էլ ասաց Մովսէսին.
«Գնա՛ խաղաղութեամբ», Մովսէսն անապատում
հանդիպեց Ահարոնին և յայտնեց նրան Աստու-
կամբը: Մովսէսը տեղեկացաւ, որ հին փարաւոնն
արդէն մեռել է: Երկու եղբայրները գնացին և

Իսրայելի ժողովրդի ծերերին մի տեղ հաւաքեցին: Ահարոնը յայանեց նրանց Աստծու կամօքը, իսկ Մովսէսը ցոյց տուաւ հրաշքները ժողովրդի առաջ: Երբ ծերերն իմացան, որ Աստուած ուզում է իրանց ազատել, սկսեցին աղօթել և շնորհակալութիւն անել:

5. Ե Գ Ի Պ Տ Ո Ս Ի Յ Դ Ո Ի Ր Ս Գ Ա Լ Ը

Իսրայէլացիների համաձայնութիւնն առնելուց ետոյ՝ Մովսէսն ու Ահարոնը գնացին փարաւոնի մօտ և ասացին. «Իսրայելի Աստուածն ասում է--արձակիր իմ ժողովրդին» և ցոյց տուին հրաշքները: Փարաւոնը բարկացաւ և ասաց. «Այդ Աստծուն ես չեմ ճանաչում»:

Փարաւոնն իսկոյն հրամայեց վերակացուներին, որ ժողովրդին աւելի չարչարեն: Վերակացուները թագաւորի կամօքը կատարեցին:

Իսրայէլացիները գանգատուեցին Մովսէսին, Ահարոնին և ասացին. «Աստուած ձեր դատաստանն անէ. դուք թագաւորին բարկացրիք մեզ վրայ»: Մովսէսն սկսեց խնդրել Աստծուն և ասել. «Տէր, ի՞նչու ես քո ժողովրդին չարչարում, այն օրից, երբ ես փարաւոնի մօտ գնացի, նրանց աւելի են նեղացնում»: Աստուած ասաց Մովսէսին. «Այժմ դու կտեսնես, թէ ես փարաւոնին ի՞նչ կ'անեմ»:

Սրանից ետոյ Աստուած մինը միւսի ետե-



ւից պատիժներ ուղարկեց եգիպտացիներին համար—դորտ, մուկ, կարկուտ, մորեխ..., միայն Գեսեմ երկիրն ազատ մնաց: Այն ժամանակ ե-

գիպտացիներն ասացին. «Աստուած սրանց հետն է»: Հէնց որ մի պատիժ գալիս էր, փարաւոնն ասում էր Մովսէսին և Ահարոնին. «Ժողովրդին կարձակեմ», իսկ երբ պատիժն անցնում էր, խօսքը փոխում էր:

Աստուած ասաց Մովսէսին. «Մի պատիժ էլ կուղարկեմ և փարաւոնը կարձակէ ձեզ: Կէս գիշերին Նգիպտոսի բոլոր անդրանիկները կմեռնեն, իսկ իսրայէլացիներին ոչ ոք չի մնասուի»:



Աստուած շարունակեց խօսել Մովսէսի հետ. «Յայտնիր ժողովրդին, որ այս ամիսը նրանց

համար առաջին ամիսը (Նիսան) պիտի լինի. այս ամսի տաան եւ չորսին ամեն տան տէր երեկոյեան պէտք է մի գառը մորթէ, ամբողջապէս խորովէ և իւր ընտանիքի հետ գիշերն ուտէ: Դրա հետ պէտք է ուտեն ըսողարջ հաց: Ընթրիքն այսպէս կանեն—գօտին կապած, կօշիկները հագած, գաւազանը ձեռին»: Այսպէս էլ արին

Այդ միևնույն գիշերն Աստուած սպանեց Նգիպտոսի բոլոր անդրանիկներին: Փարաւոնը կանչեց Մովսէսին, Ահարոնին և ասաց. «Շտապեցէք, հեռացէք իմ երկրից»: Այսպէս իսրայէլացիները Նգիպտոսից դուրս եկան՝ թուով վեց հարիւր հազար՝ չհաշուելով կանաց և երեխաներին: Իսրայէլացիները չորս հարիւր երեսուն տարի Նգիպտոսում մնալուց ետոյ՝ հեռացան: Մովսէսը տարաւ իւր հետ Յովսէփի ոսկորները ևս: Աստուած նրանց մի ամպէ սիւն տուաւ՝ ցերեկը, իսկ մի կրակէ սիւն էլ՝ գիշերն առաջնորդելու համար:

6. Կ Ա Ր Մ Ի Ր Ծ Ո Վ Ն Ա Ն Յ Ն Ե Լ Ը

Իսրայէլացիների դուրս գալուց ետոյ՝ Թագաւորի սիրտը նորից փոխուեց—նա ասաց. «Ինչու արձակեցի ձրի մշակներին»: Ուստի վեր առաւ զօրք, վեց հարիւր պատերազմական կառք, հեծելազօր և հասաւ նրանց Կարմիր ծովի մօտ: Երբ իսրայէլացիները տեսան եգիպտացիներ

րին, խիստ վախեցան, սկսեցին զանգատուել Աստծուն և ասել Մովսէսին. «Մի՞թէ Եգիպտոսում գերեզմաններ չկային, որ մեզ բերիւր այս տեղ թաղելու»: Մովսէսը պատասխանեց. «Մի վախենաք, դուք շուտով կտեսնէք, թէ Աստուած ինչպէս է ազատելու ձեզ»:

Աստուած ասաց Մովսէսին. «Ա.՛ռ գաւազանդ



և խփիր ծովի ջրին»: Երբ Մովսէսը խփեց, ջուրըն իսկոյն երկու կողմից պատի նման կանգնեց, քամի փչեց, յատակը չորացրեց և իսրայէլացիները միւս ափն անցան: Եգիպտացիները կառքերով և երիվարներով հետևեցին նրանց:

Աստուած ասաց Մովսէսին. «Գաւազանդ խփիր ծովին, որ ջուրը միանայ»: Մովսէսն այնպէս էլ արաւ և ծովը միացաւ: Եգիպտացիներն

սկսեցին փախչել, իսկ ջուրը ծածկեց Փարաւոնի զօրքին—ոչ մէկն էլ կենդանի չմնաց:

Մովսէսի քոյր Մարիամը շատ իսրայէլացի կանանց հետ սկսեցին երգել և ասել. «Օրհնեցէ՛ք Աստծուն, նա փառաւոր գործ կատարեց—փարաւոնին պատժեց, Աստուած մեր օգնականն է:

Դ. ԻՍՐԱՅԷԼԱՅԻՆԵՐՆ ԱՆՑՆՈՒՄ ԵՆ ԱՆԱՊԱՏՈՎ

Մովսէսը շարունակեց ճանապարհը Կարմիր ծովից դէպի անապատ՝ երեք օր շարունակ: Վերջապէս հասաւ Մեռա, որտեղի ջուրը դառն էր: Ժողովուրդը զանգատուեց Մովսէսին և ասաց. «Ի՞նչ պէտք է խմենք»: Մովսէսն աղօթեց Աստծուն. Աստուած Մովսէսին մի փայտ ցոյց տուաւ, որը ջուրը ձգեց և իսկոյն քաղցրացաւ:

Այդ տեղից իսրայէլացիները եկան Սին անապատը: Իսրայէլացիները նորից զանգատուեցին Մովսէսին և Ահարոնին. «Երանի մենք Եգիպտոսում մեռնէինք. այնտեղ կաթսաներով միս ունէինք և առատ հաց. դուք բերիք մեզ այս անապատ տեղը սովամահ անելու»: Աստուած ասաց Մովսէսին. «Ես երկնքից հաց կթափեմ նրանց համար. ժողովուրդը թող ամեն օր մի օրուայ պաշար ժողովէ, իսկ վեցերորդ օրը թող




երկու անգամ աւելի հաւաքէ»։ Մովսէսն ու Ահարոնը յայտնեցին այս բանն իսրայէլացիներին և ասացին. «Երեկոյեան միս կունենաք, իսկ առաւօտեան՝ հաց»։ Երեկոյեան դէմ եկան լորա-



մարդիները և ծածկեցին ամբողջ բանակը, իսկ առաւօտը գետինը պատած էր ցօղով։ Երբ ցօղը

հեռանում էր, գետնի վրայ մնում էր կլոր և սպիտակ՝ եղեամբի նման մի բան։ Իսրայէլացիները,



Մանանայի ծառ *)

երբ այս բանը տեսան, հարցնում էին իրար.

*) Արաբական թերակղզու վրայ, որտեղով Մովսէսը իսրայէլացիներին Քանան պիտի տանէր, մի տեսակ թուփ կայ՝ տամարիսկ անունով։ Սրա բնի և ճիւղերի վրայ կլոր, բրթոտ հատիկներ են գոյանում (ա.), (բ. նոյնը մեծացրած), (գ. հատիկի ներքին մասը)։ Այդ հատիկները արևի ջերմութիւնից հալւում և վայր են ծորում (դ.)։ Այս կլոր, սպիտակ և բրթոտ հատիկները կոչւում են մանանայ։

«Այս ի՞նչ բան է»: Մովսէսն ասաց. «Սա Աստուծո՛ւ ուղարկած հացն է»: Իսրայէլացիներն այս հացի անունը մանանայ դրին և առաւօտներն էին հաւաքում: Այսպէս նրանք միշտ մանանայ էին ուտում՝ քանի որ անապատումն էին:

8. Ս Ի Ն Ա Յ Ի Օ Ր Է Ն Ս Տ Ի Ո Ի Թ Ի Ի Ն Ը

Եգիպտոսից դուրս գալու երրորդ ամսում իսրայէլացիները հասան Սինա լեւոր: Մովսէսը սարը բարձրացաւ: Աստուած ասաց նրան. «Իսրայէլացիներին այսպէս կ'ասես—դուք տեսաք, թէ ես եգիպտացիներին ինչ արի. ինչպէս ձեզ ազատեցի. եթէ ինձ լսէք, ընտրեալ ժողովուրդս կլինէք բոլոր ազգերի մէջ: Դուք քահանաների նման ուսուցիչ պիտի լինէք և բոլոր ազգերին քարոզէք իմ կամքը»: Մովսէսն իջաւ լեռնից և Աստծո՛ւ կամքը յայտնեց նրանց: Բոլոր ժողովուրդն ի միասին պատասխանեց. «Աստծո՛ւ բոլոր պահանջները կ'կատարենք»: Մովսէսը յայտնեց այս բանն Աստծո՛ւն: Աստուած ասաց նրան. «Եթէ այդպէս է, զնա՞ ժողովրդի մօտ և պատուիրի՛ր, որ լուացուեն, մաքրուեն ու երրորդ օրը մաքուր շորերով ինձ մօտ բեր»: Մովսէսն այդպէս էլ արաւ:

Վերջապէս հասաւ երրորդ օրը: Առաւօտը վաղ՝ լեռոն սկսաւ որոտալ և կայծակել, մռթ

ամպերը ծածկեցին սարի գլուխը և փողի ձայն էր լսուում: Մովսէսը ժողովրդին բանակից դուրս հանեց ու տարաւ սարի մօտ: Սինա լեռոն ամբողջապէս ծխի մէջ կորած էր, կրակի բոցեր էին բարձրանում և շարժւում էր—փողի ձայնը հետըզհետէ սաստկանում էր:

Հէնց այդ ժամանակ Աստուած սկսաւ խօսել ժողովրդի հետ և ասել.

ա. 1. «Ես եմ՝ քո Տէր Աստուածը—բացի ինձնից ուրիշ Աստուած չունենաս»,

բ. 2. Կուրք չշինես ու երկրպագութիւն չըտաս նրան,

գ. 3. Բո Աստծու անունով սուտ մի՛ երդուիր,

դ. 4. Շաքաթ օրը սուրբ պահիր,

ե. 5. Պատուի՛ր քո հօրն ու մ'օրը, որ երկար կեանք ունենաս,

զ. 6. Մի՛ սպանիր,

է. 7. Մի՛ շնար,

ը. 8. Մի՛ գողանար,

թ. 9. Բո ընկերոջ մասին սուտ վկայութիւն մի՛ տուր,

ժ. 10. Մի՛ ցանկանար քո ընկերոջ աղախնին, ծառային, տանը, արտին, եզանը, էջին եւ ինչ որ նրանն է:

Ժողովուրդը հեռացաւ, իսկ Մովսէսը նորից լեւոր բարձրացաւ: Աստուած խօսում էր Մով-

սէսի հետ: Մովսէսը լեռնից վայր իջաւ և յայտնեց ժողովրդին Աստծու բոլոր պատուէրները:


Մովսէսը դարձեալ բարձրացաւ. լեռը և քառասուն օր այնտեղ մնաց: Երբ Աստուած իւր խօսակցութիւնը վերջացրեց Մովսէսի հետ Սինայ լեռան վրայ, երկու քարէ տախտակներ տուաւ նրան, որի վրայ գրուած էին պատուիրանները, որպէսզի չմոռանան:



9. ՈՍԿԷ ՀՈՐԹԸ

Երբ ժողովուրդը տեսաւ, որ Մովսէսն ուշացաւ, մի քանի խռովարար մարդիկ եկան Ահա-

րոնի մօտ և անացին. «Շինիր մեզ համար աստուածներ, որոնք մեզ առաջնորդեն. Մովսէսը



չգիտենք ինչ եղաւ»: Ահարոնը պատասխանեց. «Բերէք ինձ ձեր կանանց և աղջիկների ոսկէ գնդերը»: Նրանք էլ բերին: Ահարոնն այդ զարդերից մի ոսկէ հորթ ձուլեց: Նոր Աստուած ցան-

կացողները, երբ տեսան, որ իրանց գործը յաշողուեց, ասացին ժողովրդին. «Ահա՛ ձեր աստուածը»: Ահարոնն էլ սեղան շինեց և ասաց. «Վաղը Աստծու տօնն է»: Առաւօտը վաղ՝ ժողովուրդը ողջակէզ արաւ, սկսեց ուտել, խմել և պարել ոսկէ հորթի շուրջը:


Հէնց այդ ժամանակ Մովսէսն իջաւ լեռնից՝



ձեռին բռնած երկու քարէ տախտակները: Երբ բանակին մօտեցաւ, տեսաւ ոսկէ հորթը և պարաւորներին՝ բարկացաւ, տախտակները ձեռից վայր ձգեց և կոտորատեց: Ետոյ նրանց շինած ոսկէ հորթն այրեց. փոշի դարձրեց. ջրի մէջ ածեց և իրանց խմացրեց: Ապա Ահարոնին նկա-

տեց և ասաց. «Այս ժողովուրդը քեզ ի՞նչ արեց, որ այսպիսի յանցանքի մէջ ձգեցիր»: Ետոյ դարձաւ ժողովրդին և ասաց. «Ճշմարիտ Աստծուն պաշտողները թող ինձ մօտ գան»: Ղևիի բոլոր ցեղը նրա մօտ հաւաքուեց: Մովսէսն ասաց. «Հանէք ձեր սրերը, անցէք բանակի մի ծայրից միւսը և սպանեցէք կռուք պաշտողներին»: Ղևիի որդիները կատարեցին Մովսէսի հրամանը: Այդ օրը երեք հազար մարդ սպանուեց:

Առաւօտը Մովսէսն ասաց ժողովրդին. «Դուք մեծ յանցանք էք գործել, ես լեռուր կբարձրանամ, Աստծուն կխնդրեմ, որ ձեր յանցանքը ներէ»: Մովսէսն ասաց Աստծուն. «Ժողովուրդը մեծ յանցանք է գործել, ներիր, իսկ եթէ չես ների, այն ժամանակ իմ անունն էլ քո ցուցակից ջնջիր»: Աստուած ասաց Մովսէսին. «Յանցաւորներն անունները կջնջեմ, իսկ դու գնա և առաջնորդիր նրանց»: Աստուած ասաց Մովսէ-



Տապանակ

սին. «Երկու քարէ տախտակներ բեր, որ առաջին տախտակների պատգամները գրեմ»: Մովսէսը կատարեց Աստծու պատուէրը: Աստուած նորից գրեց տախտակների վրայ պատգամները:

Այդ տախտակները կոչ-

ւում են տասնաքանեայ սատգամներ, որոնց պահում էին մի ոսկէզօծ արկղի մէջ, որ կոչւում էր ուխտի տապանակ:

10. Լ Ր Տ Ե Ս Ն Ե Ր

Իսրայէլացիները մի ամբողջ տարի մնացին Սինա լեռան մօտ: Դրանից ետոյ գնացին դէպի Փառան անապատը: Այնտեղ Աստուած խօսեց Մովսէսի հետ և ասաց. «Իւրաքանչիւր ցեղից մի մարդ ընտրիր և ուղարկիր որ Բանանը լրտեսեն»: Մովսէսը տասներկու մարդ ընտրեց ու Քանան ուղարկեց: Դրանց մէջն էին Յեսուն և Բաղեբը: Մովսէսը պատուիրեց նրանց և ասաց. «Գնացէք և տեսէք, թէ լինչպիսի երկիր է Քանանը. ռժքեր են նրա բնակիչները. զօրեղ թէ՞ թոյլ մարդիկ են. բազմամարդ է երկիրը, թէ՞ սակաւամարդ. հաստատուն և ամուր քաղաքներու՞մ ե՞ն ապրում, թէ՞ վրանների տակ. երկիրը պտղաւէտ է՞ թէ ոչ: Վերադառնալիս երկրի պատուհներից հետներդ բերէք»:

Սրանք գնացին և լրտեսեցին ամբողջ երկիրը: Ետ դարձան Քեբըռն, ուր մի հատ որթ կտրեցին ողկուզով և երկու մարդիկ լծակով հետները բերին: Քառասուն օրից ետոյ վերադարձան Փառան և ցոյց տուին հետները բերած պատուհները: Լրտեսողներից տասը հոգի ասում-

էին. «Մենք՝ գնացինք այն երկիրը, ուր մեղր ու կնթն է ըղխում. բնակիչները զօրեղ մարդիկ են. քաղաքներն ամուր են և մեծ»: Իսկ Յեսուն և Բաղեբն ասում էին. «Մենք կարող ենք Քանանը նուաճել: Միւսները հակառակում էին և ասում. «Մենք չենք կարող նրանց հետ կռուել. նրանք



մեզնից շատ զօրեղ են — Քանանում տյնպիսի հսկայ մարդիկ տեսանք, որ մենք մորեխ էինք երևում նրանց առաջ»:


Ամբողջ ժողովուրդը ոտի կանգնեց, սկսաւ աղաղակել և լաց լինել: Կրկին տրտնջացին Ահարոնից, Մովսէսից և ասացին. «Նրանի նզիպտոսում մեռած լինէինք: Ընտրենք նոր առաջնորդ-

ներ և վերադառնանք Նզիպտոս» ժողովուրդը քիչ մնաց որ քարկոծէր երկուսին էլ:

Այս բանից ետոյ Աստուած ասաց Մովսէսին. «Մինչև երբ պէտք է այս ժողովուրդն ինձ բարկացնէ և իմ հրաշքներին չհաւատայ, ես կը պատժեմ զրանց, նրանցից ոչ մինը չպիտի տեսնէ խոստացեալ երկիրը: Նրանց ոսկորները պիտի փռեն անապատում, քսան տարեկանից մեծը չի մտնի Քանան, իսկ դուք քառասուն տարի անապատում հովիւներ կլինէք. առաւօտը վերադարձէք Կարմիր ծովի անապատը»: Մովսէսն այս բոլորը յայտնեց իսրայէլացիներին: Ժողովուրդը լաց էր լինում: Նրանք ետ դարձան անապատ:

Այստեղ իսրայէլացիները 40 տարի մնացին և մեծ նեղութիւն էին կրում — անապատում թունաւոր օձեր կային, խայթում էին և մահացնում: Ժողովուրդը գանգատուեց Մովսէսին և խնդրեց, որ ազատէ օձերից: Մովսէսն էլ Աստծու հրամանով մի պղնձե օձ շինել տուաւ, բարձրացրեց խաչաձև ձողի վրայ և ասաց. «Ումն օձը խայթէ, թող նայէ այս պղնձե արձանին և իսկոյն կբժշկուէ»: Խայթողներն էլ այդպէս էին անում և բժշկուում:

Պղնձե օձն օրինակ է Յիսուս քրիստոսին — ով խաչի վրայ բարձրացած Յիսուսին կհաւատայ, նա կբժշկուէ — երջանիկ կլինի:



11. Մ Ո Վ Ս Է Ս Ի Մ Ա Ն Ը

Երբ քառասուն տարին անցաւ, իսրայէլացիները նորից գնացին դէպի խոստացեալ երկրի սահմանները: Այնտեղ Աստուած խօսեց Մովսէսի հետ և ասաց. «Բարձրացիր Նաբաւ լեռոյ և տես Քանանը, իսկ տեսնելուց ետոյ՝ պիտի մեռնես»:

Մովսէսը պատասխանեց. «Տէր, ժողովրդի վրայ մի առաջնորդ նշանակիր»: Աստուած պատասխանեց. «Վեր առ Նաւեայի որդի Յեսուին. տար ժողովրդի մօտ. կանգնացրու Նդիազար քահանայի առաջ. դիր քո ձեռը նրա գլխին և տո՛ւր նրան քո իշխանութիւնն ու զօրութիւնը»:




Մովսէսը կանչեց ժողովրդին և Աստուծո՛ւ պատուէրը յայտնեց նրանց: Նա ասաց. «Ես արդէն

հարիւր քսան տարեկան ծերունի եմ. ձեզ այլևս առաջնորդել չեմ կարող. Աստուած ասաց ինձ, որ ես Քանան չեմ մտնի: Բայց մի վախե՛նաք. Աստուած ինքը կ'առաջնորդէ ձեզ. Յեսու Նաւեան կ'անցնէ ձեզ հետ Յորդանանը»:

Մովսէսը դարձաւ Յեսուին և ժողովրդեան ներկայութեամբ ասաց. «Քաջացիր և զօրացիր, դու պէտք է տանես սրանց Աստուծո՛ւ Խոստացած երկիրը, դու պէտք է բաժանես երկիրը նրանց մէջ»:

Սրանից ետոյ Մովսէսը Նաբաւ լեռը բարձրացաւ. Աստուած ցոյց տուաւ նրան Քանանը, որից ետոյ Մովսէսը մեռաւ Մովաբացոց երկրում: Նրա գերեզմանի տեղը ոչ ոք չգիտէ մինչև այժմ էլ: Իսրայէլացիները Մովսէսի վրայ երեսուն օր սուգ արին:



Բ. ՅԵՍՈՒ

12. ՅԵՍՈՒՆ ՆՈՒԱՃՈՒՄ Է ՔԱՆԱՆԸ

Ա. Մովսէսի մահուանից ետոյ Աստուած ասաց Յեսուին: «Իմ ծառայ Մովսէսը մեռաւ, վեր կաց, անցիր Յորդանանը: Ինչպէս որ Մովսէսի հետն եմ եղել, այնպէս էլ քեզ հետ կլինեմ: Զօրացիր և քաջացիր, իմ պատուիրանները չմոռանաս, զիշեր ու ցերեկ նրանց վրայ մտածիր և կատարիր»:

Յեսուն էլ պատուիրեց իսրայէլի գլխաւորներին ու ասաց. «Ժողովրդին ասացէք, որ պաշար պատրաստեն, երեք օրից ետոյ պէտք է անցնենք Յորդանանը»: Յեսուն ծածուկ երկու մարդ ուղարկեց Երիքովը լրտեսելու: Նրանք վերադարձան և պատմեցին, որ Աստուած Քանանը և Երիքովը մեզ կտայ»:

Սրանից ետոյ Յեսուն ասաց քահանաներին. «Առէք տապանակ ուխտին և անցէք Ժողովրդի առաջով»: Քահանաներն առաջ անցան, իսկ Ժողովուրդը հետևում էր նրանց Յորդանանի միջով: Այսպէս եկան մինչև Երիքով:

Բ. Երիքովի զոները կողպած էին: Աստուած ասաց Յեսուին.



Քահանայ


«Ահա քաղաքը քեզ եմ յանձնում, պատուիրիր զինուորներին, որ վեց օր շարունակ՝ օրը մի անգամ քաղաքի շուրջը պարտեն: Եօթներօրը օրը քահանաները թող փողերը փռչելով տապանակի առջևից գնան: Վերջին օրը եօթն անգամ պտտեցէք պարսպի շուրջը: Եօթներօրը անգամին փողերը փչեցէք, իսկ զուգ փողի ձայնը լրսելուն պէս՝ աղաղակ բարձրացրէք. այս աղաղակի ժամանակ պարիսպները կկործանուեն»:

Յեսուն այնպէս էլ արաւ: Քաղաքի պարիսպները կործանուեցան, Ժողովուրդը ներս

մտաւ, աւերեց և կոտորեց բոլորին՝ թէ մարդ և թէ կենդանի, իսկ քնացածին կրակ տուին, այրեցին:



Պ. Յեսուն երեսուն և մէկ թագաւորի ևս յաղթեց, նրանց երկիրները նուաճեց ու բաժանեց իսրայէլի 12 ցեղի մէջ՝ իւրաքանչիւրին իրեն յարմար բաժինը տալով: Տապանակ ուխտին բերին Սնլով քաղաքը և դրին Վկայութեան խորանի մէջ:



4. Խնկոց

Այն երկիրը, որ Աստուած


խոստացել էր իսրայէլացիներին, ստացան:

Յեսուն մեռաւ հարիւր տասն տարեկան հասակում: Յովսէփի ոսկորները թաղեցին Սիւքէմ քաղաքում:




1. Աւագան

2. Զոնի սեղան



5. Աւսանակ

6. Առաջաւորաց սեղան



Վկայողութեան խորան

I. Գալիթ. II. Սրբովին. III. Սրբովին Սրբոց.

ա, Զոնի սեղան. բ, Առաջան.

Դ. ԴԱՏԱԻՈՐՆԵՐ

13. ԳԵԴԵՈՆԸ ՈՐՊԷՍ ԻՍՐԱՅԷԼԻ ԴԱՏԱԻՈՐ

Ա. **Յ**ԵՈՒՆ մեռաւ: Մեռել էին և նրա ժամանակակից մարդիկը: Իսրայէլացիներն սկսեցին ամուսնանալ հեթանոս աղջիկների հետ և իրանց աղջիկներն էլ նրանց կնութեան տալ: Կրկին մոռացան ճշմարիտ Աստծուն և սկսեցին կուռքեր պաշտել: Աստուած պատժեց նրանց՝ մատնելով մադիամացիների ձեռք եօթը տարի շարունակ: Ինչ որ իսրայէլացիները ցանում էին, մադիամացիները գալիս էին հնձի ժամանակ, յափշտակում և ոչնչացնում: Իսրայէլացիները, երբ յաշոդութեան մէջ էին, մոռանում էին Աստծուն, իսկ երբ անյաշոդութիւն էր պատահում, յիշում էին նրան, այս պատճառով յիշեցին Աստծուն և օգնութիւն խնդրեցին նրանից:

Աստուած էլ երևաց Գեդէոնին, որ Մանասէի ցեղիցն էր ու ասաց. «Գնա, ազատիր իսրայէլացիներին»: Գեդէոնը պատասխանեց. «Ինչպէս ազատեմ նրանց, ես Մանասէի ցեղի մէջ շատ քիչ բարեկամներ ունեմ, բացի զրանից՝ մեր տանը ես ամենից փոքրն եմ»: Աստուած ասաց

նրան. «Ես քեզ կօգնեմ — կործանիր Բահաղի սեղանը, կոտորիր նրա շուրջը գտնուող անտառը և Աստծու համար սեղան շինիր»:



Գեղէնը հետն առաւ իւր ծառաներից տասը հոգի և գիշերով կատարեց Աստծու հրամանը: Առաւօտը, երբ քաղաքի բնակիչները զարթեցին, տեսան, որ Բահաղի սեղանը կործանուել է, իսկ անտառը կտրատուած ու մի ողջակէզ դրած Նհովայի սեղանի առաջ: Սկսեցին միմեանց նայել և ասել. «Այս բանն անշուշտ Յովասի որդի Գեղէնն արած կլինի»:

Քաղաքացիները Յովասի մօտ եկան և ասացին. «Մեզ յանձնիր քո որդուն, նա պէտք է մեռնի, որովհետեւ Բահաղի սեղանը կործանել է»: Իսկ Յովասն ասաց. «Դուք կամենում էք Բահաղի փոխարէն դատաւոր լինել. եթէ նա աստուած է, թող ինքն իրան պաշտպանէ և վրէժխնդիր լինի իւր սեղանը կործանողից»:

Ք. Սրանից ետոյ Գեղէնը հրամայեց իւրայելի միւս ցեղերին, որ իւր մօտ ժողովուեն: Անթիւ զէնք կրող մարդիկ հաւաքուեցան Գեղէնի մօտ և նա առաջնորդեց նրանց դէպի մադիամացիները: Աստուած ասաց Գեղէնին. «Քո հետ եղած ժողովուրդը շատ շատ է, թերեւ իւրայելացիները պարծենան և ասեն՝ մենք ազատեցինք մեզ — երկչոտներին հեռացրո՛ւ»: Քսան երկու հազար հոգի ետ դարձան, մնաց տասն հազար: Աստուած կրկին անգամ ասաց Գեղէնին. «Դարձեալ շատ է զօրքդ, երեք հարիւր մարդ բաւական է»: Գեղէնը կատարեց Աստծու հրամանը: Մադիամացիների բանակը հովտի մէջն էր, իսկ իւրայելացիներինը՝ լեռան վրայ:

Կէս գիշերին Գեղէնը երեք հարիւր հոգին երեք մասի բաժանեց, իւրաքանչիւրին մի հատ եղջիւրէ փող և մի հատ էլ վստած սափոր տուաւ ու ասաց. «Ինձ նայեցէք, ինչ որ ես անեմ, նոյնն էլ դուք արէք»:

Գեղէոնը գիշերով մաղիամացիներին բանակը մտաւ, հրամայեց փողերը փչել ու սափորները կոտրատել: Այդպէս էլ արին միւսները և սկըսեցին աղաղակել. «Ահա Աստծու և Գեղէոնի



սուրը»: Մաղիամացիներին զօրքը դարհուրեց— կարծեցին թէ իսրայէլացիները բազմաթիւ են, ուստի սկսեցին փախչել:

Այս յաղթութիւնից ետոյ իսրայէլացիներին ոմանք ասացին Գեղէոնին. «Մեզ վրայ իշխան եղիր՝ դու, քո որդին և քո որդու որդին»: Գեղէոնը մերժեց. «Ո՛չ ես և սչ իմ որդին, այլ Աստուած է ձեր իշխանը»: Գեղէոնը դարձաւ

դատաւոր և քառասուն տարի շարունակ երկիրը նրա կենդանութեան ժամանակ խաղաղ էր:

14. Ս Ա Մ Փ Ս Ո Ն

ա. Իսրայէլացիները նորից հեռացան Աստծուց և սկսեցին Բահաղին պաշտել: Աստուած նորից պատժեց նրանց և այս անգամ մատնեց փղշտացիներին ձեռք: Աստուած Սամփսոն անունով մէկին դատաւոր ընտրեց: Սա փղշտացիներին երկիրը գնաց՝ այնտեղի աղջիկներից իրեն համար մի կին ընտրելու: Երբ նրանց այգիներին հասաւ, մի երիտասարդ առիւծ նրա առաջը դուրս եկաւ: Սամփսոնն այս գազանի վրայ յարձակուեց և բերանը ձեղքեց: Մի ուրիշ անգամ, երբ նոյն ճանապարհով անցնում էր, կամեցաւ առիւծի գէշը տեսնել և գտաւ նրա բերանի մէջ մի գունդ մեղու և մեղր:

Սամփսոնը փղշտացիներից մի աղջիկ ընտրեց ու հարսանիք արաւ: Երեսուն փղշտացի երիտասարդ հիւր էին հարսանիքին: Սամփսոնն ասաց. «Ես ձեզ մի հանելուկ կասեմ, եթէ մինչև հարսանեաց եօթներորդ օրը լուծէք, երեսուն ձեռք զգեստ կստանաք, իսկ եթէ չկարողանաք, դուք տուէք ինձ նոյնքան զգեստ»: Համաձայնեցան և նա պատմեց: Հանելուկն այս էր— «Ուտողից ուտելիք դուրս եկաւ, իսկ հզօրից՝ քաղցր»:

Նրանք չկարողացան գտնել այս հանելուկի միտքը, գնացին Սամփսոնի կնոջ մօտ և ասացին. «Պարբեր քո մարդուն և այս հանելուկն իմացիր, իսկ եթէ չես անի, մենք քեզ էլ, քո հօր տունն



էլ կայրենք»: Կինն այնքան խնդրեց և լաց եղաւ՝ մինչև որ մարդը յայտնեց զաղտնիքը և նա էլ իւր հայրենակից երիտասարդներին պատմեց: Եօթներորդ օրը փղշտացիներն ասացին Սամփսո-

նին. «Ի՞նչ կայ մեղրից քաղցը և առիւծից հօօր»: Սամփսոնը պատասխանեց. «Եթէ դուք իմ կնոջը չստիպէիք, չէիք կարող իմանալ»:

Սամփսոնը զնաց փղշտացիներին մի ուրիշ քաղաք, երեսուն մարդ սպանեց, զգեստները բերեց և տուաւ հանելուկը լուծողներին, իսկ ինքը վերադարձաւ Յուդայի երկիրը: Այդ ժամանակ Սամփսոնի աները նրա կնոջն ամուսնացրեց մի ուրիշի հետ: Երբ Սամփսոնը իւր կնոջ մօտ վերադարձաւ և այս բանն իմացաւ, բարկացաւ և կամեցաւ պատժել բոլոր փղշտացիներին— երեք հարիւր աղուէս բռնեց, զոյգ զոյգ ագիներից կապեց. ագիների մէջ վառած ջահ դրաւ. արձակեց փղշտացիների ցորենի արտերի մէջ և այրեց նրանց այգիները, ձիթենու ծառերն ու արտերը: Դրա համար փղշտացիները եկան և Սամփսոնի աներոջն ու կնոջը միասին այրեցին:

Սամփսոնին բռնելու համար փղշտացիները յարձակուեցան Յուդայի երկրի վրայ և ստիպեցին իսրայէլացիներին՝ Սամփսոնին կապած իրանց յանձնել: Դատաւորը իւր կամքով թոյլ տուաւ հայրենակիցներին, որ կապեն իրան և թշնամու ձեռք մատնեն: Երբ փղշտացիները տեսան նրան, ուրախացան: Սամփսոնը կտրատեց կապանքը՝ բարակ թելի նման, գտաւ մի սատկած իշի ծնօտ և նրանով հազար մարդ սպանեց:

Ք. Փղշտացի իշխաններն եկան Սամփսոնի կնոջ մօտ և ասացին. «Եթէ քո մարդուն մեր ձեռը մատնես, ամեն մէկս կտայ քեզ հազար և հարիւր արծաթ»: Երբ Սամփսոնը քնեց, կինը փղշտացիներին իւր մօտ կանչեց: Նրանք բռնեցին Սամփսոնին. երկաթէ շղթաներով կապեցին. աչքերը բռնեցին. Գազա քաղաքը տարան և բանտ դրին, որտեղ նա աղում էր:

Սրանից ետոյ փղշտացիները հաւաքուեցան Դաշոն կռուքին զոհ մատուցանելու, որ թշնամուն իրանց ձեռն է մատնել: Սամփսոնին էլ բանտից դուրս բերին և կանգնեցրին տան երկու սիւնների մէջ տեղում: Տունը լիքն էր բազմութիւնով, իսկ տանիքի վրայ մօտ երեք հազար հոգի էր կանգնած: Սամփսոնը բռնեց երկու սիւններից և աղաղակեց. «Թող ես էլ այս այլազգիների հետ մեռնեմ»: Այս ասաց և ինչքան ոյժ ունէր, շարժեց երկու սիւնները—տունը քանդուեց ուրախացողների գլխին:

Սամփսոնը 20 տարի դատաւոր եղաւ:

15. Հ Ռ Ո Ի Թ

Դատաւորների կառավարութեան ժամանակ իսրայէլացիների երկրում սով ընկաւ: Մի մարդ՝ Նոյիմելէք անունով՝ իւր Նոյոմին կնոջ և

երկու որդիներին հետ Յուդայի Բէթղեհէմ քաղաքից գնաց Մովաբացիների երկիրը: Նոյմելէքն այնտեղ մեռաւ, իսկ որդիները ամուսնացան հեթանոս մովաբացի աղջիկների հետ, որոնցից մինի անունը Որփա էր, իսկ միւսինը՝ Հոուլթ:

Տասը տարուց ետոյ Նոյոմինի երկու որդին էլ մեռան: Սոֆս արդէն անցել էր: Նոյոմինը կամեցաւ հարսների հետ Յուդայի երկիրը վերադառնալ: Ճանապարհին սկեսուրն ասաց հարսներին. «Դարձէք ձեր ծնողների մօտ, Աստուած օրհնէ ձեզ, դուք լաւ կնութիւն արիք իմ որդիների համար և բարի հարսներ եղաք ինձ»: Որփան փաթաթուեց սկեսրոյը, համբուրեց և հրաժարական ողջոյն առաւ, իսկ Հոուլթը չկամեցաւ դառնալ: Այն ժամանակ Նոյոմինն ասաց. «Տեսնում ես՝ Որփան ետ դարձաւ իւր ծնողների մօտ, դու ևս հետեւիր նրան»: Հոուլթը պատասխանեց. «Աստուած մի արասցէ, որ ես քեզ մենակ թողնեմ—ուր դու կլինես, այնտեղ էլ ես, քո ազգը իմ ազգը կլինի և քո Աստուածն՝ իմ Աստուածը, ուր դու կմեռնես, այնտեղ էլ ես—մահը միայն ինձ կբաժանէ քեզնից»: Երբ Նոյոմինը տեսաւ Հոուլթի որոշումը, էլ ոչ մի խօսք չասաց: Այսպէս նրանք գնացին մինչև Բէթղեհէմ: Երբ տեղ հասան, Նոյոմին ասաց իւր ազգականներին. «Հարուստ հեռացայ ձեզնից, աղքատ դառնում եմ ձեզ մօտ»: Սկեսուրն ու հարսը

բնակւում էին Բէթղեհէմում:

Հունձի ժամանակ էր: Հոռւթը դաշտ էր գնում և հասկ էր հաւաքում, որովհետև աղքատ էին: Մի օր Հոռւթը գնաց Բոոսի արտը: Այդ ժամանակ Բոոսն էլ եկաւ. հնձուորնների մօտ,




ողջունեց նրանց և ասաց. «Աստուած ձեզ հետ լինի»: Հնձուորնները պատասխանեցին. «Աստուած օրհնէ քեզ»: Բոոսը հարցրեց Հոռւթին. «Ո՞ւմ աղջիկն ես»: Վերակացուն պատասխանեց. «Սա այն մովաբացի աղջիկն է, որ Նոյոմինի հետն է եկել»: Բոոսն ասաց Հոռւթին. «Աղջիկս, մի՛ գնա ուրիշի արտը հասկ ժողովելու, ամեն օր արի՛

մեր արտը, կ'աց' իմ աղջիկների մօտ, որտեղ նրանք կ'հնձեն, դու էլ նրանց ետևից հասկեր հաւաքիր—եթէ ծարաւես, իմ ծառաների ամաններից խմիր»: Հոռւթը պատասխանեց. «Ես մի օտարական կ'ին եմ, իմ հր արժանաւորութեան համար է այդ ողորմութիւնը»: Բոոսը պատասխանեց. «Ինձ ամեն բան պատմել են, թէ դու քնչալէս ես վարուել սկեսրոջ հետ՝ քո մարդու մահուանից ետոյ, ինչալէս թողել ես հօրդ ու մօրդ, հայրենիքդ և սկեսրոջ համար եկել ես քեզ անծանօթ երկիր»: Ճաշի ժամանակ Բոոսը Հոռւթին հաց էլ տուաւ. նա կերաւ, բայց մի կտոր էլ պահեց սկեսրոջ համար: Երբ Հոռւթը սկսաւ դարձեալ հասկ ժողովել, Բոոսը պատուիրեց ծառաներին ու ասաց. «Թողէք այդ կնոջը խուրձերի միջից ևս հաւաքէ և մի փոքր էլ աւելորդ թափեցէք, որ նա ժողովէ»: Այսպէս Հոռւթը մինչև երեկոյ հասկ հաւաքեց: Երբ մութն ընկաւ, շալակեց հաւաքածը և տուն դարձաւ:

Նոյոմին հարսի հաւաքած հասկերը և հետը բերած հացի կտորը որ տեսաւ, հարցրեց. «Այսօր հրտեղ էիր հասկ հաւաքում»: Հոռւթը պատասխանեց. «Բոոսի արտում»: Նոյոմին ասաց. «Աստուած օրհնէ նրան, նա մեր աղգականն է»: Այսպէս Հոռւթն ամեն օր գնում էր Բոոսի արտը և հասկ էր ժողովում մինչև հնձի վերջանալը: Բոոսը Հոռւթին հաւանեց և նրա հետ ա-

մուսնացաւ: Աստուած նրանց մի որդի պարգևեց,
որին անուանեցի Ովբէթ: Նոյոմին էլ երեխայի



դայեակը դարձաւ: Ովբէթը Յէսսէյի հայրն էր,
իսկ Յէսսէն էլ՝ Դաւիթ թագաւորի:

16. Հ Ե Ղ Ի Ե Ի Ս Ա Մ Ո Ի Է Լ

Ա. Հեղիի քահանայապետութեան ժամա-

նակ մի մարդ էր ապրում Նղիանա անունով՝ իւր
կին Աննայի հետ: Նրանք անգաւակ էին: Սովո-
րութիւն ունէին ամեն տարի Սելով քաղաքը
ուխտ գնալու և Աստծուն զոհ մատուցանելու:
Աննան մի անգամ Սելով գնալիս՝ խիստ տրտ-
մեց. լաց եղաւ. աղօթեց Աստծուն և ասաց.




«Տէր Սարաւովթ, քեզ յայտնի է իմ նեղութիւնը,
եթէ դու ինձ մի որդի պարգևես, քեզ կնուի-
րեմ, որ մինչև իւր մահը ծառայէ»: Հեղի քա-

հանայապետը նստած էր վկայութեան խորանի դրանը և ուշադրութեամբ նայում էր Աննային: Եւ որովհետեւ երկար տեւեց նրա աղօթքը, Հեղին ասաց. «Աննա, քանի՞ աղօթես»: Աննան պատասխանեց. «Ես մի վշտացած կին եմ, սիրտս Աստծու առաջ բաց եմ անում»: Հեղին ասաց. «Թող Իսրայէլի Աստուածը քո խնդիրը կատարէ»: Կինը վերադարձաւ տուն, նրա սիրտն այլ ևս այնպէս տխուր չէր:

Աստուած լսեց Աննայի աղօթքը և նրան մի որդի պարգևեց, որին անուանեցին Սամուէլ, որ նշանակում է «Աստուածանից խնդրած» — Աստուածատուր»: Երբ մանուկը մի քանի տարեկան դարձաւ, մայրը Սելով բերաւ՝ Հեղի քահանայապետի մօտ և ասաց. «Տէր, ես այն կինն եմ, որ քեզ մօտ կանգնած աղօթում էի այս մանկան համար. Աստուած լսեց իմ աղօթքը, դրա համար էլ ես նրան եմ ընծայում իւր տուածը»: Աննան շնորհակալութիւն արաւ Աստծուն և տուն դարձաւ, իսկ մանուկ Սամուէլը ֆնաց Հեղիի մօտ և Տիրոջ տանը սպասաւորութիւն էր անում:

Ք. Հեղիի որդիները շատ վատ մարդիկ էին, խլում էին իսրայէլացի ուխտաւորներից զոհի մեծ մասը — փոխանակ էրին և մորթին ստանալու, որ օրէնքով Մովսէսը քահանաներին էր յատկացրել, պղնձի միջից էլ ջոկում էին եփած



գոհի լաւ կտորները և տանում էին: Ծերունի
Հեղին գիտէր այս ամենը—նա յաճախ խրատում-
էր, բայց չէին լսում: Իսկ մանուկ Սամուէլը
աճում էր և զօրանում: Նրան սիրում էին և՛
Աստուած և՛ մարդիկ:

Մի անգամ, երբ Սամուէլը վկայութեան
խորանի առաջ քնած էր, ձայն լսուեց, որ ա-
սում էր. «Սամուէլ, Սամուէլ»: Սամուէլը վա-
զեց Հեղիի մօտ և առաց. «Այստեղ եմ, ինչո՞ւ
կանչեցիր»: Հեղին պատասխանեց. «Ես քեզ չեմ
կանչել, դարձիր և քնիր»: Աստուած Սամուէլին
երկրորդ, երրորդ անգամ կանչեց: Սամուէլը
կրկին անգամ գնաց Հեղիի մօտ: Հեղին հասկա-
ցաւ, որ Աստուած է նրան կանչողը, ասաց.
«Դարձիր և քնիր, եթէ մի անգամ էլ ձայն լսես,
ասա, Տէր, քո ծառան լսում է քեզ»: Սամուէլը
դարձաւ իր տեղը: Աստուած նորից ձայն տու-
աւ. «Սամուէլ, Սամուէլ»: Սամուէլը պատաս-
խանեց. «Ասա, Տէր, քո ծառան լսում է քեզ»: Աստուած ասաց. «Ես կամենում եմ Հեղիին և
իւր որդիներին պատժել»: Սամուէլը վախենում-
էր այս բանը Հեղիին յայտնելու:

Այն ժամանակ Հեղին կանչեց նրան և ա-
սաց. «Աստուած ի՞նչ ասաց քեզ, մի՛ ծածկիր
ինձնից»: Սամուէլը պատմեց նրան իւր լսածը:
Հեղին ասաց. «Ինչ որ բարի է, թող Աստուած
այն կատարէ»:



Պ. Իսրայէլա-
ցիները պատե-
րազմ ունեցան
փղշտացիների
հետ և յաղթ-
ուեցան: Իսրա-
յէլի ծերերն ա-
սացին. «Ուխ-
տի տապանակը
Սելովից բանակ
բերենք, որ ա-
զատէ մեզ» և
բերել տուին:
Տապանակի

հետ եկան և Հեղիի երկու որդիները: Երբ տա-
պանակը բանակ բերին, իսրայէլացիները սկսե-
ցին ուրախանալ, իսկ փղշտացիներն ասում էին
միմեանց. «Իսրայէլի Աստուածը բանակ է եկել,
նո՞վ փղշտացիներ, քաջ պատերազմեցէք, որ ծա-
ռայ չլինենք նրանց»: Պատերազմում իսրայէ-
լացիները յաղթուեցան, Հեղիի երկու որդիները
սպանուեցան, ուխտի տապանակն էլ գերի ընկաւ:

Մինը պատերազմի դաշտից՝ հանդերձները
պատառելով և գլխին հող ցանելով եկաւ Սելով:
Հեղին վկայութեան խորանի դրանը աթոռի վրայ
նստած էր: Նա հարցրեց եկող մարդուն բանա-

կի մասին: Դեռ պահելը պատասխանեց. «Իսրայէլը
յաղթուեց, քո երկու որդիներն սպանուեցան
և ուխտի տապանակն էլ գերի ընկաւ»: Այս գուժը
լսելուն պէս՝ Հեղին աթոռից վայր ընկաւ, մէջ-
քը կոտորուեց ու մեռաւ:

Պ. Սամուէլն սկսաւ քարոզել և խրատել իս-
րայէլացիներին: Ժողովուրդը խոստովանեց, որ
նա Աստծու ճշմարիտ մարդարէն է, ուստի և
նրան դատաւոր ընտրեց: Սամուէլը հաւաքեց
բոլոր իսրայէլացիներին և ասաց. «Եթէ դուք
սրտանց դառնաք գէպի ճշմարիտ Աստուածը,
թողնէք օտար աստուածներին, այն ժամանակ
ձեզ կազատէ փղշտացիների ձեռից»: Իսրայէլա-
ցիները հեռացան կուռքերից:

Երբ փղշտացիները Սամուէլի դատաւոր
ընտրուելն իմացան, նորից եկան պատերազմե-
լու: Թշնամին յաղթուեց: Փղշտացիները փախան
և Սամուէլի կենդանութեան ժամանակ այլ ևս
չհամարձակուեցան իսրայէլացիների դէմ գէնք
բարձրացնել:

Բ.

17. ՈՐ ՈՄ Ի Թ. Ռ Ա Կ Ը

Մի մարդ իւր արտումը բարի սերմ ցանել
տուաւ: Իսկ նրա թշնամին գիշերով եկաւ և ծա-
ծուկ արտի մէջ որո՞ւ ևս ցանեց ու գնաց: Երբ
ցորէնը կանաչեց, որոմներն էլ հետը բուսան:

Ծառաներն այս բանը նկատեցին, զարմա-
ցան, եկան տիրոջը յայտնեցին և ասացին. «Տէր,
դու քո արտումը չէ՞ որ բարի սերմ ցանեցիր,
որոմները ճրտեղից են»: Տէրն իսկոյն իմացաւ
այդ բանը, ուստի պատասխանեց և ասաց. «Սա
իմ թշնամին է արել»: Ծառաներն ասացին. «Ե-
թէ այդպէս է, իրաւունք տուր մեզ, որ գնանք
և որոմներն արմատից հանենք»: Իմաստուն տէ-
րը պատասխանեց. «Ո՛չ, որոմները հանելիս՝ ցո-
րէնն էլ հետը դուրս կգայ, թողէք միասին մե-
ծանան մինչև հունձը, իսկ հնձի ժամանակ կա-
սեմ հնձուորներին—որոմներն առանձին հնձեցէք
և խուրձ կապեցէք այրելու համար, իսկ ցորենը
ժողովեցէք իմ շաւմարանի մէջ»:

Փոքրիկ մանուկներ, ձեր ծնողները, ուսու-
ցիչները և ձեզ սիրող բարի մարդիկը ձեր սըր-
տերում բարի սերմեր են ցանում, բայց կան և
վատ մտրդիկ, որոնք ձեզ խաբում և չար
սերմեր՝ որոմներ են ցանում ձեր մէջ: Զգու-
շացէք այդ վատ մարդկանցից:

18. ԱՆՄԻՏ ՀԱՐՍՏԻ ԱՌԱԿԸ

Մի հարուստ մարդու արտերն առատ պտուղ տուին: Նա ինքն իրան այսպէս էր մտածում. «Ո՞րտեղ ժողովեմ այսքան բերքերս. շտեմարաններս փոքր են. կքանդեմ դրանց. նորերը կշինեմ՝ աւելի մեծ և արտերիս բերքերն այնտեղ կհաւաքեմ: Ել ի՞նչ հողս ունիմ, երկար տարիներ կուտեմ, կխմեմ և կուրախանամ»: Նա փոխանակ այսպէս մտածելով՝ թէ քանի քանի աղքատներ կան, որոնք ոչինչ չունեն, Աստուած ինձ այսքան բարիքներ է տուել, մի քիչ էլ նրանց համար բաժին հանեմ, միմիայն իւր համար մտածեց: Այս բանը դուր չեկաւ Աստծուն, ուստի հարստին հասկացնելու համար՝ ասաց. «Անմիտ, այս գիշեր որ քո հոգին առնեմ, այսքան կարողութիւնդ ի՞նչ պիտի անես»:

Փոքրիկ մանուկներ, եթէ դուք էլ շատ բան ունենաք, չունեցողներին մի մոռանաք, նրանց էլ բաժին հանեցէք ձեր աւելորդից, թէ չէ Աստուած ձեր վարմունքն էլ չի հաւանի:

19. ԹԱԳՈՒՅԵԱՆ ԳԱՆՁԻ ԵՒ ՄԱՐԳԱՐՏԻ ԱՌԱԿՆԵՐԸ

Մի մարդ ազարակում գտնւ գտաւ: Ուրախութիւնից գնաց և ինչ որ ունէր չունէր ծախեց ու գնեց այդ ազարակը:

Մի վաճառական էլ մի գեղեցիկ մարգարիտ էր փնտռում, բայց իւր որոնածից աւելի լաւը գտաւ, իսկոյն վաճառեց իւր ունեցածը և գնեց այդ պատուական մարգարիտը:

20. ՄԵՐ ԸՆԹՐԻՔԻ ԱՌԱԿԸ

Մի մարդ մեծ ընթրիք պատրաստեց և ծառայի ձեռով շատերին հացի հրաւիրեց: Հրաւիրուածները բոլորն էլ մերժեցին զանազան անհիմն պատճառներով: Մէկն ասաց. «Արտ եմ գնել, պէտք է գնամ տեսնեմ, չեմ կարող գալ»: Երկրորդն ասաց. «Հինգ լուծ եզն եմ գնել պէտք է գնամ փորձեմ, թէ ինչպէս են քաշում»: Երրորդն էլ ասաց. «Նոր եմ պսակուել, չեմ կարող գալ»: Այսպէս ամենքն էլ հրաժարուեցան անմիտ պատճառներ բերելով—արտը գնելուց ետոյ՝ տեսնելն ի՞նչ հարկաւոր բան էր: Նա պէտք է մինչև գնելը տեսնէր և կամ եզները գնելուց զտոյ՝ փորձ անելն ի՞նչ միտք ունէր, այդ բանը պէտք է գնելուց առաջ անէր: Իսկ երրորդը կարող էր կնոջն էլ հետը տանէր, ի՞նչ անենք թէ մենակ ինքն էր հրաւիրուել—տան տէրը նրան դուրս չէր անի:

Ծառան եկաւ և տիրոջը յայտնեց, որ հրաւիրուածները հրաժարուում են: Տանտէրը նեղացած ասաց ծառային. «Գնա քաղաքի հրապարակները, փողոցները և հրաւիրի աղքատներին,

խեղճերին, կաղերին և կոյրերին» Ծառան այդպէս էլ արաւ և եկաւ յայտնեց տիրոջը. «Տէր, քո հրամանը կատարեցի, բայց տանն էլի տեղ կայ հիւրերի համար»: Այն ժամանակ տէրն ասաց ծառային. «Հիմա էլ գնա՛ քաղաքից դուրս, ճանապարհի վրայ ումը տեսնես, հրաւիրիր, որպէսզի տունս լցուի հիւրերով»:

Երբ տունը հիւրերով լցուեց, տանտէրն ասաց. «Ճշմարիտ եմ ասում, առաջին անգամ հրաւիրուած մարդկանցից ոչ մէկն իմ ընթրիքը չի ուտի»:

Փոքրիկ մանուկներ, Աստուած ամեն օր հրաւիրում է ձեզ եկեղեցի, ուսումնարան... լսելու նրա պատուէրները, բայց շատերը չեն գնում և սրանով շատ բանից զրկւում են: Դուք այդ մարդոց նման մի վարուէք, եթէ ուզում էք բախտաւոր լինել:

Գ.

ԿԱՐԳ ԱՍՏՈՒԱԾՊԱՇՏՈՒԹԵԱՆ

21. Ե Կ Ե Ղ Ե Յ ՈՒ Ջ Ե Ի Ը

Հին ժամանակուայ քրիստոնեաները մեզ նման փառաւոր շէնքերով եկեղեցիներ չունէին: Նրանք հաւաքւում էին մի հասարակ տան մէջ՝ շատ անգամ գետնափոր տներում և միասին ա-

ղօթում էին, իսկ աղօթքից ետոյ հացը կտրում էին, բաժանում և ապա հաղորդւում: Տան վերևի մասը փոքր ինչ բարձր էր. դա այն ժամանակուայ սեղանն էր—այստեղից էր քարոզում քահանան:

Աւելի ուշ ժամանակներում աղօթատեղի՝ եկեղեցու միջին մասին նաւի ձև տուին, որ նշանակում էր, թէ եկեղեցին մի նաւ է, որի մէջ մտնող քրիստոնեաները նաւում են դէպի նաւահանգիստ՝ երկնքի արքայութիւնը: Երբեմն էլ կլոր ձև էին տալիս: Նաւի մէջ մտնելու իրաւունք ունէին միայն նրանք, որոնք մկրտուած էին, իսկ չմկրտուածները նաւի ետևում էին կանգնում, ուր սիւներ կային՝ վարագոյրով միացրած: Չմկրտուածներն այս վարագուրի ետևում էին կանգնում, իսկ երբ սովորում էին Քրիստոսի պատուէրները, եպիսկոպոսը կամ քահանան քննում էր և ապա իրաւունք էին ստանում մկրտուելու և նաւի մէջ մտնելու:

Փոքր ինչ ետոյ նաւակի աջ ու ձախ կողմերում երկու փոքրիկ նաւեր կսորոջեցին և այսպիսով եկեղեցին խաչի ձև ստացաւ, որ մինչև մեր օրերը պահպանւում է: Երբ քրիստոնէութիւնն ազատ կրօն դարձաւ, սկսեցին ամեն տեղ գեղեցիկ եկեղեցիներ շինել խաչաձև յատակագծով, որ ծագել է երեք նաւերի միաւորութիւնից: Կլոր ձևն էլ մեր ներկայ գմբէթն է, որ ե-

կեղեցու մէջ տեղումն է: Եկեղեցու սիւները միանում են կամարներով — սա էլ երկինքն է յիշեցնում մեզ: Եկեղեցու շինուածքը բաժանուում է երեք մասերի — զաւիթ, ատեան և բեմ:

22. ԵԿԵՂԵՑՈՒ ԲԱԺԱՆՈՒՄՆԵՐԸ

Գաւիթ — Այժմեան եկեղեցիները զաւիթ չունեն — սա հին եկեղեցու այն մասն է, ուր կանգնում էին չմկրտուածները (երեսանները):

Ատեան — Այն տեղն է, ուր կանգնում են հոգևորականները և ժողովուրդը: Եկեղեցու հին սովորութեան համաձայն՝ առաջ կանգնում են հոգևորականները, որ կոչւում է ղապ, ետոյ՝ տղամարդիկ, իսկ ամենից վերջը՝ կանայք: Սեղանի աջ կողմի պատի մէջ աւազանն է, իսկ նրա դիմաց՝ ըուրվառանոցը:

Բեմ — Ատենից ետքն աստիճանով բարձր է, մէջ տեղում շինած է վէմ քարից մի խաչաձև սեղան: Այս քարն օծում են և ապա վրան պատարագ մատուցանում: Առանց սրան պատարագ չի կարելի անել: Բեմից է քարոզում եպիսկոպոսը: Այստեղ իրաւունք ունին բարձրանալ միայն հոգևորականները և կամ որոց իրաւունք է տրուած: Սեղանը շինուած է բեմի վրայ. նրա առաջ վարագոյր կայ քաշած. հարկաւոր ժամանակ բաց են անում և ծածկում:

Բեմի վրայ վէմ քարի գլխին շինած է խաչակալը, որի աջ և ձախ կողմերում դռներ կան: Այս դռների վրայ պէտք է նկարել Թագէոս և Բարդուղիմէոս առաքեալների պատ-



կերները, որոնք հայոց եկեղեցու գլխաւոր սիւներն են:

Երկու դռների մէջ տեղում վէմ քարի վրայ երեք աստիճան է շինուած, ուր դրած են ամենից բարձր՝ խաչ, ետոյ՝ Քրիստոսի պատկերը (ղաստառակ), իսկ վերջը՝ անտարան: Աստի-

ճանները ետևում Աստուածածնի պատկերն է՝ Յիսուսին դրված։ Այս երեք աստիճանների վրայ դրած է լինում միուսնամանը և մասնատուկը։



Սեղանի աջ դրան կողմում՝ ներսից ընծայարանն է, որտեղ սկիհն են պահում։

Եկեղեցու հիմքի զանազան կողմերում դնում են առաքեալների, աւետարանիչների և Ս. Գրիգոր Լուսավորչի անուաներով օծած քարեր - ընդամենը 16 հատ և ապասրանց վրայ հիմն են ձգում, որովհետև քրիստո-

նէութիւնը սրանք տարածեցին ամեն տեղ - հիմնեցին զանազան տեղերում եկեղեցիներ և նրա հիմքը եղան։ Այդ քարերը անտաշ պիտի լինեն, որ նշանակում է, թէ առաքեալներն ուսում չունէին և Սուրբ Հոգւոյ շնորհով էին քարոզում։ Քարերն առաջ լուսանում են, որ նշանա-

կում է մկրտել և ապա օծում են, որ նշանակում է դրօշմ։ Բեմի վրայ է վէմ քարը - սա Քրիստոսի օրինակն է, որ իւր հիմնած եկեղեցու սուրբ սեղանի վրայ բազմած է։

Բեմի աջ և ձախ կողմերում երկու խորաններ կան - աջակողմեանը զգեստաւորութիւն համար է, իսկ ձախակողմեանը՝ զգեստները պահելու համար։

Շինութիւնն աւարտելուց ետոյ՝ եկեղեցին օծում են։

23. ՍՐԲԱԶԱՆ ԱՆՕԹՆԵՐ ԵՒ ԶԱՐԴԵՐ

Սկիհ - Այն անօթն է, որի մէջ պատարագիչը մաքուր գինի է ածում և անաղ ու անխմոր հաց՝ նշխարն է դնում։ Սկիհի բերանին դնում են մի խուփ, որի անունն է մաղզմա։ Սկիհը շինում են կամ ոսկուց կամ արծաթից։

Մասնատուի - Փոքրիկ տուփ է՝ ոսկուց կամ արծաթից շինած, որի մէջ դնում են մասը՝ կամ հաղորդը և երբ մինը յանկարծ հիւանդանում է կամ եկեղեցի չի կարողանում գալ, տուն են տանում և հաղորդում։

Միտոնաման - Նոյնպէս ոսկուց կամ արծաթից շինած մի աման է, ըստ մեծի մասին աղաւնու նման - մէջն ածում են սուրբ միւռոնը, մկրտում երեխաներին կամ պատկերներ օծում։

Բշոց - Բշոցը զարդ է, կոթը փայտից է,

իսկ վերևի կլոր մասի վրայ վեցթևեան Սերովբէ և Քերովբէ հրեշտակապետների պատկերներ կան նկարած, որ նշանակում է, թէ նրանք ևս սպասաւորում են պատարագի ժամանակ: Կոթի վերին մասից թաշկինակ է կախած:

Բուրվառ—Մէջը կրակ են ածում և վրան խոռնկ ծխում, որ նշանակում է, թէ ինչպէս այդ խնկի ծուխը դէպի վեր է գնում, այնպէս էլ մեր աղօթքը Աստծուն ենք ուղղում:

Խաչվառ—Սա եկեղեցական դրօշակ է—մի պատկեր՝ կտաւի վրայ, որի մի կողմում՝ Խաչելուծինն է, իսկ միւս կողմում՝ Աստուածածինը Յիսուսին գրկած: Պատկերը կախ է տուած մի ձողից, որի գլխին տնկած է խաչ:

Խնկաման—Փոքրիկ արկղ է, չորս անկիւններում մի մի խաչ, իսկ մէջ տեղում մոմի տեղ: Մէջը խոռնկ կայ, երբ սարկաւազը բուրվառ է անում, քահանան այստեղից խոռնկ է հանում և ածում կրակի վրայ: Սարկաւազը աջ ձեռով բուրվառն է բռնում, իսկ ձախով՝ խնկամանը:

24. Զ Գ Ե Ս Տ

1. ԴՊԻՐՆԵՐԻ ԿԱՄ ՏԻՐԱՅՈՒՆԵՐԻ ՀԱՄԱՐ

Շապիկ—Գլխից մինչև ոտները՝ երկայն, սպիտակ կամ ծաղկեայ հասարակ՝ մաքուր շապիկ, որ նշանակում է, թէ ինչպէս արտաքուստ մա-

քուր է շորերը, այնպէս էլ ներքուստ սիրտը սրա նման մաքուր պիտի լինի:

2. Ս Ա Ր Կ Ա Ի Ա Գ Ի Հ Ա Մ Ա Ր

Ուրար—Երկայն, լայն ժապաւէնի նման, զառ կտորից, որ ձգում է ձախ թևի վրայ: Սա նշանակում է, թէ սարկաւազն աւետարանի լուծը դեռ ամբողջապէս չէ կրում, այլ՝ մասամբ, այն է ձախ ուսով: Սարկաւազը հագնում է և շապիկ:

3. Ք Ա Հ Ա Ն Ա Յ Ի Հ Ա Մ Ա Ր

Քահանան երբ զգեստաւորւում է և պատարագ է մատուցանում, ներկայացնում է Քրիստոսի կեանքը: Պատարագի զգեստները նշանակում են Քրիստոսի կրած չարչարանքները: Քահանայի զգեստները սրանք են—

Շապիկ—Երկայն, վզից մինչև ոտները, գոյնը սպիտակ: Սա նշանակում է այն սպիտակ հանդերձը, որ Հերովդէսը հագցրեց Քրիստոսին ծաղրելու համար:

Գօտի—Նշանակում է այն խարազանը, որով Քրիստոսին խփում էին՝ սեանը կապած:

Բազալան—Այն կապանքն է, որով հրէաները կապեցին Յիսուսի ձեռները Գեթսեմանում:

Փորուրար—Աստծու պատուիրանի լուծն է: Այս լուծը սարկաւազը ձախ ուսով է միայն տա-

նում, իսկ քահանան՝ և աջ և ձախ ուսով—ամբողջապէս:

Շուրջառ կամ նափորտի—Նշանակում է կարմիր վերարկուն, որ ձկեցին Քրիստոսի վրայ:

Սաղաւարտ—Նշանակում է այն փշեայ պըսակը, որ Քրիստոսի գլխին դրին:

Վազաս—Ուսերի վրայ է դնում քահանան, վրան նկարած է 12 առաքեալների պատկերները՝ մէջ տեղումը Քրիստոսը:

4. Ե Պ Ի Ս Կ Ո Պ Ո Ս Ի Հ Ա Մ Ա Ր

Եպիսկոպոսն ունի այն բոլոր զգեստներն՝ ինչ որ քահանան:

Բացի դրանից ունի խոյր կամ թագ, որ միենոյն նշանակութիւնն ունի, ինչ որ քահանայի սաղաւարտը:

Եմիփորոն—Հինգ խաչով զարդարուած լայն ուրար է, կրում են շուրջառի վրայից—սա է եպիսկոպոսական յատուկ զգեստը:

Արտախուրակներ—Երկու հատ, կէս կանգուն երկարութեամբ կապեր են, կախում են վակասի ետևից—զարդ է:

5. Ե Պ Ի Ս Կ Ո Պ Ո Ս Ա Պ Ե Տ Ի Կ Ա Մ Կ Ա Թ Ո Ղ Ի Կ Ո Ս Ի Հ Ա Մ Ա Ր

Բացի քահանայի և եպիսկոպոսի զգեստներից, ունի նաև կոնքեռ, որը քառակուսի ձև ու-

նի և կախուած է լինում գօտքից՝ ձախ կողմից ու հասնում է մինչև ծունկը: Կոնքեռը նշանակում է, 1, այն ղեկավար, որով Յիսուս աշակերտների ոտները լուաց, 2, հովուական մախաղ: Կոնքեռ կրելու իրաւունք միայն կաթողիկոսն ունի: Որտեղ կաթողիկոսը կանգնում է, այնտեղ նրա ոտների տակ փռում են մի փոքրիկ գորգ, որի վրայ արծիւ է նկարած, որ նշանակում է թէ կաթողիկոսն արծուի նման սրատես պիտի լինի:

25. ԵԿԵՂԵՑՈՒ ԳԼԽԱՒՈՐ ԳՐԲԵՐԸ

Եկեղեցում շատ տեսակ գրքեր են գործ դնում, բայց մենք կսովորենք միայն գլխաւորները:

1. Աւետարան—Սա մի գեղեցիկ գիրք է, վրան խաչ կայ: Քահանան նրանով օրհնում է եկեղեցի եկողներին: Աղօթաւորները, երբ դուրս են գնում ժամերգութիւնց ետոյ, համբուրում են այս սուրբ գիրքը: Սրա մէջ գրուած է Յիսուս Քրիստոսի կեանքը և նրա բոլոր քարոզութիւնները:

2. Շարական—Այս գիրքը եկեղեցու երգարանն է, նրա մէջ գրուած է այն հոգևոր երգերը՝ շարականները, որոնք երգում են եկեղեցում: Այս հոգևոր երգերը ունին ձայնանիշներ, որոնց համաձայն երգում են քահանաները և դպիրներ:

ըր: Բոլոր շարականներն էլ մի տեսակ չեն եր-



Ս. Գրիգոր Լուսավորիչ

գում, այլ զանազան եղանակներով՝ ձայնով: Չայ-

ների թիւը ութն է: Շարականները հեղինակել-
են մեր սուրբ հայրապետները:

3. Խորհրդատետր—Սա մի փոքրիկ գիրք է,
դրած է լինում սեղանի վրայ: Քահանան այս
գրքով է պատարագ մատուցանում:

4. Ծաշոց. — Սա մեծ գիրք է, կարդում են
ճաշուայ ժամերգութեան ժամանակ, դրա հա-
մար էլ ասում են Ծաշոց: Նրա մէջ գրուած է
Հին և Նոր-ուխտից դանազան կտորներ՝ իւրա-
քանչիւր օրուայ համար առանձին-առանձին,
նոյնպէս մեր սուրբ հայրապետների գեղեցիկ
աղօթքները:

5. Ժամագիրք. — Քրիստոնեաները հասարակ
օրերին օրը երկու անգամ՝ առաւօտեան և երե-
կոյեան գնում են եկեղեցի աղօթելու, իսկ կլիւ-
րակէ, տօն և մեծի պահոց օրերին՝ երեք ան-
գամ: Այս գրքում կարգով որոշուած է թէ ա-
ռաւօտները, երեկոնները և ճաշին ինչ աղօթք-
ներ, երգեր, սաղմոսներ և ընթերցուածներ պի-
տի կարդան ու երգեն, դրա համար էլ գրքի ա-
նունն է Ժամագիրք, այսինքն ժամերի գիրք:

6. Մաշտոց — Այս գիրքն առաջին անգամ
գրել է հայոց տառերի գտնող սուրբ Մեսրոպը
Մաշտոցը, ուստի նրա անունով էլ կոչւում
է Մաշտոց: Այստեղ որոշուած են թէ եկեղեցու
եօթը խորհուրդները և ծէսերը ինչպէս պիտի
կատարել, օրինակ ինչպէս պէտք է երեխային
մկրտեն, պսակ անեն, թաղեն, քահանայ, եպիս-
կոպոս, կաթողիկոս օծեն, մեռոն օրհնեն...:

Ֆ Ա Ն Կ

Ա. Հ Ի Ն—Ո Ի Խ Տ

ԵՐԵՍ

1. Իսրայելի նեղութիւնները եգիպտոսում	3
2. Մովսէսի ծնունդը և ազատութիւնը .	5
3. Մովսէսի փախուստը	7
4. Աստուած կանչում է Մովսէսին	9
5. Եգիպտոսից դուրս գալը	12
6. Կարմիր ծովը անցնելը	15
7. Իսրայէլացիներն անցնում են անապատ- տով	17
8. Սինայի օրէնստութիւնը	20
9. Ոսկէ հորթը	22
10. Լրտեսներ	26
11. Մովսէսի մահը	29
12. Յետոն նուաճում է Քանանը	32
13. Գեղէոնը որպէս իսրայելի դատաւոր .	37
14. Սամփսոն	41
15. Հոութ	44
16. Հեղի և Սամուէլ	48

Բ. Ն Ո Ր—Ո Ի Խ Տ

17. Որոմի առակը	55
18. Անսիտ հարստի առակը	56

19. Թագուցեալ գանձի և մարգարտի առակ- ները	56
20. Մեծ ընթրիքի առակը	57

Գ. ԿԱՐԳ ԱՍՏՈՒԱԾՊԱՇՏՈՒԹԵԱՆ

21. Եկեղեցու ձևը	58
22. Եկեղեցու բաժանումները	61
23. Սրբազան անօթներ և զարդեր	64
24. Զգեստ	67
25. Եկեղեցու գլխաւոր գրքերը	70



19. *Handwritten text, likely bleed-through from the reverse side.*
 20. *Handwritten text, likely bleed-through from the reverse side.*
 21. *Handwritten text, likely bleed-through from the reverse side.*
 22. *Handwritten text, likely bleed-through from the reverse side.*
 23. *Handwritten text, likely bleed-through from the reverse side.*
 24. *Handwritten text, likely bleed-through from the reverse side.*
 25. *Handwritten text, likely bleed-through from the reverse side.*



ԻՄ ԱՇԽԱՏԱՍԻՐԱԾ ԿՐՕՆԻ ԴԱՍԱԳՐԵՐԸ

I. ՈՒՍՈՒՑԻՉՆԵՐԻ ՀԱՄԱՐ

		Գինն է գեղջ		
Ստորին օրջան		Ու.	Լ.	%
1.	Ուղեցոյց Հին—Ուխտի մասն Ա.	»	80	25
2.	Ուղեցոյց Հին—Ուխտի մասն Բ.	»	85	25
3.	Ուղեցոյց Նոր—Ուխտի մասն Ա.	1	»	}
4.	Ուղեցոյց Նոր—Ուխտի մասն Բ.	1	5	
Միջին օրջան				
5.	Դասագիրք կրօնի հատոր Դ.	1	50	} 35
6.	Դասագիրք կրօնի հատոր Ե.	»	50	
7.	Տասն պատուիրան	»	50	

II. ԱՇԱԿԵՐՏՆԵՐԻ ՀԱՄԱՐ

ա. Ծխական դպրոցների համար					
8.	Դասատետր	կրօնի Ա. տարի . . .	»	25	}
9.	Դասատետր	կրօնի Բ. տարի . . .	»	25	
10.	Դասատետր	կրօնի Գ. տարի . . .	»	25	
11.	Դասատետր	կրօնի Դ. տարի . . .	»	30	
բ. Պետական դպրոցների համար			լ		25
12.	Դասատետր	կրօնի Ա. տարի . . .	»	25	}
13.	Դասատետր	կրօնի Բ. տարի . . .	»	25	
14.	Դասատետր	կր. Գ. տ. (ոչ պարզեր).	»	30	
գ. Ծխական եւ պետական դպր. համար			կ		
15.	Հին—Ուխտ	»	»	50	}
16.	Նոր—Ուխտ	»	»	45	
17.	Գործք—Առաքելոց	»	»	45	
դ. Ցածկահայ դպրոցների համար			լ		
18.	Հին—Ուխտ	»	»	45	}
19.	Բարոյախօսութիւն (էթիկայ) . . .	»	»	50	
20.	Մի քանի խօսք հայ կրօնուսույցներին	»	»	10	

Ցանկացողները կարող են դիմել

1. Ինձ—Սահակ ա. քհ. Սահակեանց. Бебутовская 20.
2. «Գիր» և միւս հայ գրավաճառներին,
3. Պահեստը «Գիր» գրավաճառանոցում:

Գինն է 25 ԿՈՊԵԷԿ

ՀՀ Ազգային գրադարան



NL0145955

